

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA
Broj: T04 0 KT 0058774 24
Zenica, 23.10.2024. godine

OPĆINSKI SUD U TEŠNJU
sudija za prethodno saslušanje
TEŠANJ

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

A. S., , neosuđivan

Što je,

Dana 20.05.2024. godine oko 23,15 sati, na području općine T., na lokalnom putu u mjestu R., grubim vrijeđanjem i nasiljem prema drugom ugrozio građanski mir i drugog lahko tjelesno ozlijedio te oštetio tuđu stvar tako što je, upravljajući pmv registarskih oznaka T.... pretekao vozilo reg. oznaka K.... kojim je upravljao oštećeni D. E. u prisustvu saputnice B. R. a potom mu popriječio put onemogućavajući mu dalje kretanje vozilom, zatim izašao iz svoga vozila, prišao E. vozilu, pa kada mu se E. kroz otvoren prozor svoga vozila obratio riječima “U čemu je problem gospodine?”, iako svjestan da ga može tjelesno ozlijediti i da grubim vrijeđanjem i nasiljem prema oštećenom ugrožava građanski mir, zamahnuo rukom prema E. i zadao mu udarce šakom u predjelu lica i brade obračavajući mu se riječima „Je...m ti mater, kako to voziš. Hoćeš li da poginem?“ nastavljajući ga udarati šakom po glavi zbog čega se E. povukao prema suvozaču i zatvorio prozor kako bi se odbranio, da bi potom, svjestan da može oštetiti E. vozilo, više puta nogom udario u vozačeva vrata i sa istih otkinuo plastičnu lajsnu, oštetio lijevi blatobran te udarcima šakom odvalio prednji lijevi retrovizor, potom sjeo u svoje vozilo i odvezao se u nepoznatom pravcu, pa je navedenim radnjama D. E. nanio laku tjelesnu ozljedu i prouzrokovao štetu na njegovom vozilu u iznosu od 1.000,00 KM, što je i htio,

Dakle, grubim vrijeđanjem i nasiljem prema drugom ugrozio građanski mir kojom prilikom je jedna osoba lahko tjelesno ozlijeđena i oštetio tuđu stvar,

Čime je počinio krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH u sticaju sa krivičnim djelom “Oštećenje tuđe stvari” iz člana 293. stav 1. KZ F BiH sve u vezi sa članom 54. KZ F BiH.